

БОСНА И ХЕРЦЕГОВИНА

БРЧКО ДИСТРИКТ
БОСНЕ И ХЕРЦЕГОВИНЕ

В Л А Д А



BOSNA I HERCEGOVINA

BRČKO DISTRIKT
BOSNE I HERCEGOVINE

V L A D A

БУЛЕВАР МИРА 1. 76100 БРЧКО ДИСТРИКТ БИХ
ТЕЛЕФОН: 049 240 820. ФАКС: 049 217 142

www.bdcentral.net

BULEVAR MIRA 1. 76100 BRČKO DISTRIKT BiH
TELEFON: 049 240 820. FAKS: 049 217 142.

Broj predmeta: 24-000117/17
Broj akta: 01.11-1161DS -014/18
Datum, 07.02.2018. godine
Mjesto, Brčko

Na osnovu člana 52. Statuta Brčko distrikta Bosne i Hercegovine – prečišćeni tekst („Službeni glasnik Brčko distrikta BiH“, broj 2/10), člana 10. i člana 11. stav (2) Zakona o Vladi Brčko distrikta Bosne i Hercegovine („Službeni glasnik Brčko distrikta BiH“, broj: 19/07, 36/07, 38/07, 2/08, 17/08, 23/08, 14/10 i 28/12), a u skladu s članom 38. Zakona o vodama („Službeni glasnik Republike Srpske“, broj 10/98), na Prijedlog Odjeljenja za poljoprivredu, šumarstvo i vodoprivredu Vlade Brčko distrikta BiH, broj: 24-000117/17 od 29. 12. 2017. godine, Vlada Brčko distrikta BiH, na prvom nastavku 30. redovne sjednice održanom 7. februara 2018. godine,
d o n o s i

ODLUKU

O USVAJANJU GLAVNOG OPERATIVNOG PLANA ODBRANE OD POPLAVA BRČKO DISTRIKTA BOSNE I HERCEGOVINE ZA 2018. GODINU

Član 1.

Usvaja se Glavni operativni plan odbrane od poplava Brčko distrikta Bosne i Hercegovine za 2018. godinu.

Član 2.

Sastavni dio ove odluke je Glavni operativni plan odbrane od poplava Brčko distrikta Bosne i Hercegovine za 2018. godinu.

Član 3.

Ova odluka stupa na snagu danom donošenja i objavljuje se u „Službenom glasniku Brčko distrikta BiH“.

DOSTAVITI:

1. Članovima Vlade Brčko distrikta BiH
2. Odjeljenju za poljoprivredu, šumarstvo i vodoprivredu
3. Kabinetu gradonačelnika
4. Direkciji za finansije Brčko distrikta BiH
5. Uredu koordinatora Brčko distrikta BiH u Vijeću ministara BiH
6. Uredu za upravljanje javnom imovinom Brčko distrikta BiH
7. Sekretaru Vlade Brčko distrikta BiH
8. Sektoru za koordinaciju politika i opće poslove
9. Sektoru za koordinaciju politika i opće poslove
- Odsjeku za opće poslove
10. „Službenom glasniku Brčko distrikta BiH“
11. Arhivi.

GRADONAČELNIK
Mr. sc. Siniša Milić

GLAVNI OPERATIVNI PLAN
ODBRANE OD POPLAVA BRČKO DISTRIKTA BOSNE I HERCEGOVINE
ZA 2018. GODINU

Brčko, februar 2018. godine

SADRŽAJ

- I. OPĆE ODREDBE
- II. POPLAVNO PODRUČJE KOJE SE BRANI OD POPLAVA
- III. PODRUČNI RUKOVODILAC ODBRANE OD POPLAVA I NJEGOV POMOĆNIK ZA PODRUČJE SA IZGRAĐENIM ZAŠTITNIM VODOPRIVREDNIM OBJEKTIMA I PODRUČJE SA NEIZGRAĐENIM ZAŠTITNIM VODOPRIVREDNIM OBJEKTIMA
- IV. FAZE I ORGANIZACIJA ODBRANE OD POPLAVA
- V. KARAKTERISTIKE NIVOVA VODE I MJERODAVNI VODOMJER, MAKSIMALNI REGISTROVANI VODOSTAJ, KRITERIJ ZA PROGLAŠENJE REDOVNE I VANREDNE ODBRANE OD POPLAVA
- VI. PODJELA PODRUČJA KOJA SE BRANE OD POPLAVA NA SEKTORE I POTEZE
- VII. SEKTORSKI I POTEZNI RUKOVODIOCI ODBRANE OD POPLAVA ZA PODRUČJE SA IZGRAĐENIM I PODRUČJE SA NEIZGRAĐENIM ZAŠTITNIM VODOPRIVREDNIM OBJEKTIMA
- VIII. SUDJELOVANJE U ODBRANI OD POPLAVA
- IX. ODBRAMBENI MATERIJAL, OPREMA I ALAT ZA ODBRANU OD POPLAVA
- X. NAČIN I METODA INFORMISANJA I UZBUNJIVANJA STANOVNIŠTVA NA UGROŽENOM PODRUČJU OD POPLAVA
- XI. EVAKUACIJA I SMJEŠTAJ STANOVNIŠTVA, STOKE I MATERIJALNIH DOBARA IZ PODRUČJA UGROŽENOG OD POPLAVE
- XII. ORGANIZACIJA I NAČIN ZDRAVSTVENE ZAŠTITE STANOVNIŠTVA I ZAŠTITE ŽIVOTINJA NA POPLAVLJENOM PODRUČJU
- XIII. ORGANIZACIJA, OSIGURANJE I NADZOR SAOBRAĆAJA NA POPLAVLJENOM PODRUČJU
- XIV. FINANSIRANJE
- XV. PROVOĐENJE GLAVNOG OPERATIVNOG PLANA ODBRANE OD POPLAVA
- XVI. PRELAZNE I ZAVRŠNE ODREDBE

I. OPĆE ODREDBE

Na osnovu člana 8. Statuta Brčko distrikta Bosne i Hercegovine – prečišćeni tekst („Službeni glasnik Brčko distrikta BiH“, broj 2/10), člana 21. Zakona o Vladi Brčko distrikta Bosne i Hercegovine („Službeni glasnik Brčko distrikta BiH“, broj: 19/07, 36/07, 38/07, 2/08, 17/08, 23/08, 14/10 i 28/12), a u vezi s članom 38. Zakona o vodama („Službeni glasnik Republike Srpske“, broj 10/98), šef Odjeljenja za poljoprivredu, šumarstvo i vodoprivredu predlaže Glavni operativni plan odbrane od poplava Brčko distrikta Bosne i Hercegovine za 2018. godinu (u daljnjem tekstu: Glavni operativni plan odbrane od poplava).

Glavnim operativnim planom odbrane od poplava utvrđuje se organizacija, način i postupak vršenja odbrane od poplava i leda na području Brčko distrikta BiH na kojem su izgrađeni zaštitni vodoprivredni objekti, kao i za dijelove područja na kojima nisu izgrađeni zaštitni vodoprivredni objekti.

Izrazi (pojmovi) upotrebljeni u Glavnom operativnom planu odbrane od poplava imaju sljedeća značenja:

„Poplava“ označava privremenu pokrivenost vodom zemljišta koje obično nije pokriveno vodom. Izraz obuhvata poplave koje uzrokuju rijeke, bujice i privremeni vodotoci. Pojam ne obuhvata poplave sistema javne kanalizacije za odvođenje urbanih otpadnih voda.

„Odbrana od poplava“ predstavlja skup svih mjera, radova, poslova i drugih radnji koje se preduzimaju prije pojave velikih voda, za vrijeme velikih voda i nakon pojave tih voda. Pod odbranom od poplava podrazumijeva se provođenje odbrane od velikih voda kao i preduzimanje mjera pri pojavi leda u vodotocima u zimskom periodu. Odbrana od poplava može biti preventivna, redovna i vanredna.

„Preventivnu odbranu od poplava“ čine svi zahvati koji se, na određenom području, planiraju ili izvode s ciljem sprečavanja pojave poplava, odnosno smanjenja rizika od poplava.

„Redovnu i vanrednu odbranu od poplava“ čine mjere koje se preduzimaju neposredno pred nastup opasnosti od plavljenja, tokom trajanja opasnosti i neposredno nakon prestanka te opasnosti, s ciljem smanjenja mogućnosti šteta od poplava.

„Odbrana od leda“ počinje kada se zalede veće površine vodnog ogledala, ili kada se pojavi gomilanje ili pokretanje lednih masa usljed čega može doći do opasnosti od poplava ili oštećenja vodoprivrednih i drugih stalnih ili plovni objekata i postrojenja na vodotoku.

„Prirodna nesreća“ je događaj koji je uzrokovan iznenadnim djelovanjem prirodnih sila, sa ili bez čovjekovog uticaja, koji ugrožava zdravlje ili život ljudi, životinja i uzrokuje štetu na materijalnim dobrima i u životnoj sredini.

„Materijalna dobra“ predstavljaju stambene i druge zgrade, postrojenja za proizvodnju i promet, saobraćajna i druga sredstva, pokretne i nepokretne stvari građana, organa uprave i drugih organa i pravnih lica, kao i biljni i životinjski svijet.

„Glavni rukovodilac odbrane od poplava“ je šef Odjeljenja za poljoprivredu, šumarstvo i vodoprivredu, osim u situaciji kada je aktiviran Štab za zaštitu i spašavanje Distrikta.

„Zamjenik glavnog rukovodioca odbrane od poplava“ je šef Pododjeljenja za šumarstvo i vodoprivredu.

„Područni rukovodilac odbrane od poplava“ je lice koje rukovodi odbranom od poplava na poplavnom području utvrđenom ovim planom.

„Sektorski rukovodilac odbrane od poplava“ je lice koje rukovodi odbranom od poplava na određenom sektoru utvrđenom ovim planom.

„Potezni rukovodilac odbrane od poplava“ je lice koje rukovodi odbranom od poplava na određenom potezu utvrđenom ovim planom.

„Štab za zaštitu i spašavanje Distrikta“ je operativno tijelo formirano u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća u Brčko distriktu Bosne i Hercegovine („Službeni glasnik Brčko distrikta BiH“, broj: 29/16 i 33/16).

II. POPLAVNO PODRUČJE KOJE SE BRANI OD POPLAVA

Poplavno područje Brčko distrikta BiH dijeli se na:

- a) područja na kojim su izgrađeni zaštitni vodoprivredni objekti za odbranu od poplava;
- b) područja na kojim nisu izgrađeni zaštitni vodoprivredni objekti za odbranu od poplava.

S ciljem bolje organizacije mjera i radova odbrane od poplava, poplavno područje dijeli se na sektore, a sektori na poteze.

A) PODRUČJA BRČKO DISTRIKTA BiH NA KOJIM SU IZGRAĐENI ZAŠTITNI VODOPRIVREDNI OBJEKTI ZA ODBRANU OD POPLAVA

1. Glavni savski odbrambeni nasip od km 0+000 - do km 9+650, područje MZ Krepšić i MZ Vučilovac
2. Crpna stanica „Đurići“ kapaciteta 7,5 m³/s, MZ Vučilovac
3. Ustava sa četiri otvora površine 12,6 m² na glavnom savskom nasipu na području MZ Vučilovac
4. Ustava sa dva otvora površine 20 m² na glavnom savskom nasipu na području MZ Vučilovac
5. Ustava „Dusine“ sa dva otvora površine 5,3 m² na lijevom tinjskom nasipu, područje MZ Krepšić
6. Nasip uz Tinju s desne strane korita u dužini od 1580 m, područje MZ Gorice
7. Tinjski lijevi nasip od km 0+000 do km 0+150, područje MZ Krepšić
8. Nasip uz Lomicu i Tinju u dužini 653 m na području MZ Krepšić
9. Čuvarska kuća sa skladištem, područje MZ Vučilovac
10. Regulacija korita rijeke Brke od ušća u rijeku Savu km 0+000 do km 1+400, područje MZ Centar 5, MZ Kolobara, MZ Meraje
11. Regulirano korito rijeke Tinje dužine km 1+767, područje MZ Gorice
12. Kanal Tinja – Tolisa od km 0+000 do km 2+000, područje MZ Krepšić i MZ Marković Polje
13. Kanal Lukavac – Brka dužine km 2+032, područje MZ Brod.

**B) PODRUČJA BRČKO DISTRIKTA BiH NA KOJIM NISU IZGRAĐENI
ZAŠTITNI VODOPRIVREDNI OBJEKTI ZA ODBRANU OD POPLAVA**

1. Na rijeci Tinji, područje sela Gorice – MZ Gorice
2. Na rijeci Tinji, područje zaseoka Drenova – MZ Vukšić
3. Na rijeci Tinji, područje sela Donji Vukšić i Gornji Vukšić – MZ Vukšić
4. Na rijeci Tinji, područje sela Gornji Bukvik i zaselak Jendek – MZ Bukvik i MZ Vukšić
5. Na rijeci Tinji, područje zaseoka Bašče, Poljaci, Jagodnjak, područje sela Donja Skakava – MZ Poljaci – Jagodnjak i MZ Donja Skakava
6. Na rijeci Tinji, područje sela Prijedor, Seonjaci i Dubrave – MZ Prijedor, MZ Seonjaci i MZ Dubrave
7. Na potoku Stjepkovicu područje zaseoka Stjepkovicu i područje sela Prijedor, MZ Prijedor
8. Na potoku Skakavac i Podarevac, područje sela Gornja Skakava – MZ Gornja Skakava
9. Na rijeci Tinji, područje zaseoka Cvijanovići, selo Bijela – MZ Bijela
10. Na rijeci Tinji, područje sela Donji Rahić i Grbavica – MZ Donji Rahić i MZ Grbavica
11. Na rijeci Brci, područje grada – MZ Klanac, MZ Kolobara, MZ Centar 5 MZ Meraje, MZ Broduša, MZ Stari Rasadnik, MZ Brod
12. Na rijeci Brci, područje sela Brka – MZ Brka
13. Na području potoka Lukavac, područje sela Lipovac – MZ Lipovac
14. Na području potoka Govneč i Lukavac, područje sela Ulović – MZ Ulović
15. Na rijeci Brci, područje sela Palanka – MZ Palanka
16. Na rijeci Brci, područje sela Gornji Rahić – MZ Gornji Rahić
17. Na rijeci Brci i Maočkoj rijeci, područje sela Maoča – MZ Maoča
18. Na rijeci Rašljanskoj, područje sela Rašljani – MZ Rašljani
19. Na rijeci Islamovačkoj, područje sela Islamovac – MZ Islamovac
20. Na rijeci Zovičici, područje naselja Rijeke i sela Omerbegovača – MZ Rijeke i MZ Omerbegovača
21. Na rijeci Zovičici, područje sela Boće – MZ Boće
22. Na rijeci Zovičici, područje sela Boderište – MZ Boderište
23. Na rijeci Zovičici, područje sela Gornji Zovik – MZ Gornji Zovik
24. Na rijeci Zovičici, područje sela Donji Zovik – MZ Donji Zovik
25. Na Štrepačkoj rijeci, područje sela Štrepci – MZ Štrepci
26. Na rijeci Jagoštici, područje sela Šatorovići – MZ Šatorovići
27. Na Crnoj rijeci, područje sela Popovo Polje – MZ Popovo Polje
28. Na rijeci Savi, područje sela Brezovo Polje – MZ Brezovo Polje.

**III. PODRUČNI RUKOVODILAC ODBRANE OD POPLAVA I NJEGOV POMOĆNIK
ZA PODRUČJA SA IZGRAĐENIM ZAŠTITNIM VODOPRIVREDNIM
OBJEKTIMA I PODRUČJA SA NEIZGRAĐENIM ZAŠTITNIM
VODOPRIVREDNIM OBJEKTIMA**

	Područni rukovodilac odbrane od poplava	Adresa / telefon
Za područja sa: a) izgrađenim zaštitnim vodoprivrednim objektima b) neizgrađenim zaštitnim vodoprivrednim objektima	IVANA PLAVŠIĆ dipl. grad. ing.	Brčko, tel. 049 / 320-125, mob. 065 / 708 814
	Pomoćnik područnog rukovodioca odbrane od poplava	Adresa/ telefon
Za područja sa izgrađenim zaštitnim vodoprivrednim objektima	SVJETLANA ĐUKIĆ strukovni ing. tehnologije za vodu	Brčko, tel. 049 / 320-125, mob. 065 / 987 009
Za područja sa neizgrađenim zaštitnim vodoprivrednim objektima	ZIJAD BIKIĆ dipl. grad. ing.	Brčko, tel. 049 / 320-146, mob. 061 / 287 628

Odbranom od poplava na dijelovima područja Brčko distrikta BiH navedenim u poglavlju I. i II. pod A) i B) rukovodi područni rukovodilac odbrane od poplava s pomoćnicima.

- Područni rukovodilac odbrane od poplava s pomoćnicima vrši sljedeće poslove:

1. Provjerava stanje zaštitnih vodoprivrednih objekata i postrojenja i preduzima mjere za njihovu ispravnost i za redovno održavanje, vrši pregled odbrambene opreme, alata i materijala i preduzima mjere za njihovu popunu, čuvanje i raspodjelu na određena mjesta odbrambene linije. O utvrđenom stanju izrađuje godišnji ili periodični izvještaj koji podnosi šefu Odjeljenja za poljoprivredu, šumarstvo i vodoprivredu.

2. Radi na usklađivanju izgradnje i održavanja zaštitnih vodoprivrednih objekata i postrojenja.

3. Prati stanje vodostaja na uzvodnim vodomjernim stanicama i vremenske prognoze.

4. Predlaže proglašenje redovne, odnosno vanredne odbrane od poplava, daje prijedlog o njenom ukidanju i o tome obavještava glavnog rukovodioca odbrane od poplava koji na osnovu toga obavještava šefa Odjeljenja za javnu sigurnost i daje prijedlog gradonačelniku Brčko distrikta BiH za proglašenje redovne, odnosno vanredne odbrane od poplava, sazivanje sjednice Štaba za zaštitu i spašavanje Distrikta i aktiviranje rada Štaba za zaštitu i spašavanje Distrikta.

5. Obavještava glavnog rukovodioca odbrane od poplava o intenzitetu poplava, koji procjenjuje stepen direktne opasnosti i obim posljedica od poplava i na osnovu toga obavještava šefa Odjeljenja za javnu sigurnost koji daje prijedlog gradonačelniku Brčko distrikta BiH za proglašenje stanja prirodne nesreće uzrokovane poplavama, sazivanje sjednice Štaba za zaštitu i spašavanje Distrikta i aktiviranje rada Štaba za zaštitu i spašavanje Distrikta.

6. Pri zaleđivanju većih površina vodnog ogledala ili kada se pojavi gomilanje ili pokretanje ledenih masa, predlaže proglašenje redovne, odnosno vanredne odbrane od leda na vodotoku ili dijelu vodotoka, daje prijedlog za njeno ukidanje i o tome obavještava glavnog rukovodioca odbrane od poplava koji na osnovu toga obavještavaju šefa Odjeljenja za javnu sigurnost i daje prijedlog gradonačelniku Brčko distrikta BiH za proglašenje redovne, odnosno vanredne odbrane

od leda, sazivanje sjednice Štaba za zaštitu i spašavanje Distrikta i aktiviranje rada Štaba za zaštitu i spašavanje Distrikta.

7. Koordinira rad sektorskih rukovodilaca odbrane od poplava i daje im uputstva i naređenja.

8. Predlaže i saraduje sa Štabom za zaštitu i spašavanje Distrikta naročito po pitanjima:

- uključivanja radne snage, materijala i prevoznih sredstava u odbrani od poplava;
- evakuacije stanovništva, stoke i imovine sa direktno ugroženog područja;
- privremenog ograničenja ili obustave željezničkog, riječnog ili cestovnog saobraćaja na određenim sektorima;
- puštanja vode u branjeno područje u slučaju neposredne opasnosti po život ljudi ili mogućnosti nastajanja materijalne štete većih razmjera, ukoliko se time sprečavaju veće štete, a sve u skladu s članom 41. Zakona o vodama („Službeni glasnik Republike Srpske“, broj 10/98);
- izgradnje druge odbrambene linije;
- intervencija u koritu vodotoka na razbijanju ledene kore i ledenih barijera miniranjem, angažovanjem plovila za probijanje leda ili na drugi način;
- uvođenja dežurstva, imenovanja lica koje će zamijeniti učesnika u odbrani od poplava koji je spriječen da učestvuje u odbrani od poplava zbog bolesti i sl., i odstranjivanja lica koje nesavjesno ili nestručno obavlja povjerene poslove u odbrani od poplava.

9. Podnosi dnevne izvještaje o stanju i toku odbrane od poplava za protekla 24 sata na poplavnom području zamjeniku glavnog rukovodioca odbrane od poplava, odnosno glavnog rukovodiocu odbrane od poplava. Ovaj izvještaj sadrži sve potrebne podatke, a naročito o vodostajima i stanju zaštitnih vodoprivrednih objekata i postrojenja, o broju i vrsti angažovane radne snage i mehanizacije, o izvršenim radovima i mjerama, kao i o radovima i mjerama koje će se neposredno preduzimati.

10. Po prestanku poplava, u što kraćem roku, podnosi kompletan izvještaj o svim provedenim mjerama i aktivnostima za vrijeme odbrane od poplava i konačan izvještaj o štetama na zaštitnim vodoprivrednim objektima i vodotocima glavnog rukovodiocu odbrane od poplava.

IV. FAZE I ORGANIZACIJA ODBRANE OD POPLAVA

A) ODBRANA OD POPLAVA NA DIJELOVIMA PODRUČJA BRČKO DISTRIKTA BiH NA KOJIMA SU IZGRAĐENI ZAŠTITNI VODOPRIVREDNI OBJEKTI - POGLAVLJE II. POD A)

Odbrana od poplava na dijelovima područja Brčko distrikta BiH na kojima su izgrađeni zaštitni vodoprivredni objekti podrazumijeva preduzimanje potrebnih mjera i radova koji se, prema vremenu izvođenja, dijele na:

- preventivne mjere i radove odbrane od poplava i
- operativne mjere i radove odbrane od poplava.

Preventivne mjere i radovi odbrane od poplava se obavljaju kontinuirano, van perioda aktivne odbrane od poplava, s ciljem pripreme za odbranu od poplava. Tu spadaju:

- a) izrada i ažuriranje Glavnog operativnog plana odbrane od poplava;
- b) studijsko-istražni radovi;
- c) projektovanje;
- d) planiranje i provođenje poslova izgradnje regulacijskih i zaštitnih vodoprivrednih objekata i postrojenja;
- e) planiranje i provođenje poslova održavanja regulacijskih i zaštitnih vodoprivrednih objekata i postrojenja;
- f) redovno ažuriranje baze podataka o regulacijskim i zaštitnim vodoprivrednim objektima i postrojenjima, za potrebe njihovog tekućeg i investicionog održavanja;

- g) izrada prijedloga potrebnih radova na održavanju funkcionalnosti regulacijskih i zaštitnih vodoprivrednih objekata s redoslijedom prioriteta njihove realizacije.

Operativne mjere i radovi odbrane od poplava se obavljaju prije, za vrijeme i nakon poplava i obuhvataju sljedeće faze:

- 1. Faza pripremnih mjera i radova**
- 2. Faza odbrambenih mjera i radova:**
 - 2.1. Redovna odbrana od poplava**
 - 2.2. Vanredna odbrana od poplava**
- 3. Faza završnih mjera i radova.**

1. Faza pripremnih mjera i radova obuhvata sve mjere i radove koje se izvode prije poplavnih voda s ciljem pripreme za odbranu od poplava, odnosno smanjenja rizika od poplava i koje osiguravaju da se u dovoljnoj mjeri zaštite život i zdravlje ljudi i sačuva imovina.

Faza pripremnih mjera i radova obuhvata naročito:

- a) redovan pregled stanja ispravnosti i funkcionalnosti regulacijskih i zaštitnih vodoprivrednih objekata i postrojenja, kao i izvođenje potrebnih radova u smislu povećanja stepena sigurnosti;
- b) redovan pregled stanja uređenosti korita vodotoka radi osiguranja kontrolisanog i neškodljivog protoka velikih voda;
- c) mjere kojima se sprečava da se na regulacijskim i zaštitnim vodoprivrednim objektima deponuje materijal, jalovina i otpaci;
- d) osiguranje stalnog nadzora nad količinama i kvalitetom odbrambenog alata, materijala i opreme (čamci, pumpe, vreće za podizanje nasipa, lopate, ašovi, kabanice, čizme, baterije, građa i dr.) i njegovom uskladištenju, upotrebi i održavanju;
- e) dopuna alata, materijala i opreme za potrebe neposredne odbrane od poplava.

Usljed nailaska velikih vanjskih i unutrašnjih voda i usljed zagušenja ledom, organizuje se i provodi, u zavisnosti od stepena opasnosti, redovna i vanredna odbrana od poplava.

2. Faza odbrambenih mjera i radova sačinjava neposredan rad na izvršenju odbrane od poplava za vrijeme velikih voda sa svim akcijama i drugim mjerama koje se preduzimaju u toj fazi odbrane od poplava kao što su:

- a) organizovanje i osiguravanje kontinuiranog praćenja nivoa i promjene vodostaja s ciljem praćenja kretanja vodostaja;
- b) predviđanje poplavnih valova, davanje upozorenja odgovarajućim organima, organizacijama i javnosti o očekivanoj veličini i intenzitetu odnosno vremenu pojave poplavnog vala;
- c) organizovanje i osiguravanje kontinuiranog praćenja stanja ispravnosti i funkcionalnosti vodoprivrednih objekata i postrojenja, pravovremeno uočavanje mogućih oštećenja;
- d) uvođenje dežurstava za provođenje odbrambenih mjera i radova;
- e) određivanje i lociranje vrste i količine građevinske mehanizacije na mjestima gdje prijeti opasnost od poplava;
- f) osiguravanje i utvrđivanje neophodne količine i načina korištenja alata, opreme i materijala za odbranu od poplava za potrebe interventnih mjera;
- g) upravljanje i manipulacija zaštitnim vodoprivrednim objektima i postrojenjima (ustavama, crpnim stanicama i dr.);
- h) izgradnja druge odbrambene linije ukoliko prijeti neposredna opasnost od prodora vode, rušenja ili prelijevanja zaštitnih vodoprivrednih objekata i

druge mjere koje se preduzimaju kroz faze redovne i vanredne odbrane od poplava;

- i) osmatranje i registrovanje pojave leda, utvrđivanje procenta pokrivenosti površine vodnog ogledala, visine nagomilanih naslaga leda i sl.
- j) preduzimanje intervencija u koritu vodotoka ili dijelu vodotoka na razbijanju ledene kore i ledenih barijera s ciljem otklanjanja mogućnosti štetnih posljedica, opasnosti od poplava, oštećenja vodoprivrednih i drugih stalnih ili plovnih objekata i postrojenja na vodotoku.

2.1. Faza redovne odbrane od poplava počinje od momenta kada vodostaj na rijeci Savi dosegne visinu od + 650 cm na vodomjeru u Slavonskom Šamcu, a vrši se od proglašenja redovne odbrane od poplava do proglašenja prestanka redovne odbrane od poplava.

2.2. Faza vanredne odbrane od poplava provodi se kada vodostaj na rijeci Savi i dalje raste pri vodostaju + 700 cm zbog čega prijete opasnost od izlivanja vode iz vodotoka i ugrožavanja života i zdravlja ljudi, i nastajanja šteta na materijalnim dobrima.

Do osposobljavanja vodomjera u Brčkom, mjerodavni vodomjer za proglašenje redovne i vanredne odbrane od poplava na području Brčko distrikta BiH je vodomjer u Slavonskom Šamcu.

Glavni rukovodilac odbrane od poplava može predložiti redovnu i vanrednu odbranu od poplava i pri nižim vodostajima od vodostaja određenog Glavnim operativnim planom odbrane od poplava, ako neposredno prijete opasnost od proboja, oštećenja ili rušenja izgrađenih zaštitnih vodoprivrednih objekata.

3. Fazu završnih mjera i radova čine sve aktivnosti i mjere koje se preduzimaju i vrše po prestanku odbrane od poplava, odnosno završni radovi za sanaciju posljedica poplava, a naročito:

- a) pregled poplavljenog područja i registrovanje podataka koji će pomoći da se unaprijedi proces planiranja;
- b) izvođenje završnih radova u vezi s odbranom od poplava (skupljanje opreme, materijala i alata u skladišta) i popunjavanje zaliha odbrambenom opremom i materijalom;
- c) hitne sanacije oštećenja regulacijskih i zaštitnih vodoprivrednih objekata nastalih za vrijeme poplava, radi otklanjanja opasnosti koje mogu nastati kod prolaska novih vodnih valova;
- d) čišćenje otpada, nanosa i drugih naplavina nastalih prolaskom vodnog vala;
- e) izrada izvještaja od strane učesnika u svim fazama odbrane od poplava, prikupljanje podataka o izvršenim radovima, utrošenom materijalu, troškovima provedene odbrane od poplava i sanacije šteta na zaštitnim vodoprivrednim objektima.

B) ODBRANA OD POPLAVA NA DIJELOVIMA PODRUČJA BRČKO DISTRIKTA BiH NA KOJIMA NISU IZGRAĐENI ZAŠTITNI VODOPRIVREDNI OBJEKTI – POGLAVLJE II. POD B)

Odbrana od poplava na dijelovima područja Brčko distrikta BiH na kojima nisu izgrađeni zaštitni vodoprivredni objekti organizuje se u mjesnim zajednicama navedenim u poglavlju II. pod stavkom B: Gorice, Vukšić, Bukvik, Poljaci-Jagodnjak, Donja Skakava, Gornja Skakava, Prijedor, Seonjaci, Dubrave, Bijela, Grbavica, Donji Rahić, Klanac, Kolobara, Centar 5, Meraje, Rijeke, Broduša, Stari Rasadnik, Brod, Brka, Lipovac, Ulović, Palanka, Gornji Rahić, Maoča, Rašljani, Islamovac, Omerbegovača, Boće, Boderište, Gornji Zovik, Donji Zovik, Štrepci, Šatorovići, Popovo Polje i Brezovo Polje.

Odbrana od poplava na dijelovima područja Brčko distrikta BiH na kojima nisu izgrađeni

zaštitni vodoprivredni objekti podrazumijeva preduzimanje potrebnih mjera i radova koji se, prema vremenu izvođenja, dijele na:

- preventivne mjere i radove odbrane od poplava i
- operativne mjere i radove odbrane od poplava.

Preventivne mjere i radovi odbrane od poplava se obavljaju kontinuirano, van perioda aktivne odbrane od poplava, s ciljem pripreme za odbranu od poplava. Tu spadaju:

- a) izrada i ažuriranje Glavnog operativnog plana odbrane od poplava;
- b) studijsko-istražni radovi;
- c) projektovanje;
- d) planiranje i provođenje poslova izgradnje regulacijskih i zaštitnih vodoprivrednih objekata, postrojenja, akumulacija i drugih objekata;
- e) zabrana gradnje u plavnim područjima;
- f) planiranje i provođenje radova na tekućem održavanju vodotoka.

Operativne mjere i radovi odbrane od poplava se obavljaju prije, za vrijeme i nakon poplava i obuhvataju sljedeće faze:

- 1. Faza pripremnih mjera i radova**
- 2. Faza odbrambenih mjera i radova**
- 3. Faza završnih mjera i radova.**

1. Faza pripremnih mjera i radova obuhvata sve mjere i radove koje se izvode prije poplavnih voda s ciljem pripreme za odbranu od poplava, odnosno smanjenja rizika od poplava i koje osiguravaju da se u dovoljnoj mjeri zaštite život i zdravlje ljudi i sačuva imovina.

Faza pripremnih mjera i radova obuhvata naročito:

- a) redovan pregled stanja uređenosti korita vodotoka radi osiguranja kontrolisanog i neškodljivog protoka velikih voda;
- b) mjere kojima se sprečava zatrpavanje zemljom, jalovinom, otpacima i drugim materijalima korita rijeka, potoka i kanala;
- c) mjere kojima se sprečava da se na obalama rijeka, potoka i kanala deponuju materijal, jalovina i otpaci;
- d) redovno čišćenje i održavanje putnih kanala radi omogućavanja normalnog oticanja vode;
- e) redovno čišćenje i održavanje mostovskih otvora od granja i drugog kabastog otpada;
- f) osiguranje stalnog nadzora nad količinama i kvalitetom odbrambenog alata, materijala i opreme (čamci, pumpe, ašovi, lopate, vreće za podizanje nasipa, kabanice, čizme, baterije i dr.) i njegovom uskladištenju, upotrebi i održavanju;
- g) dopuna alata, materijala i opreme za potrebe neposredne odbrane od poplava;
- h) osmatranje i registrovanje pojave leda, utvrđivanje procenta pokrivenosti površine vodnog ogledala, visine nagomilanih naslaga leda i sl.

2. Faza odbrambenih mjera i radova obuhvata neposredno izvršavanje ovog plana, odnosno neposredno vršenje odbrane od poplava sa svim aktivnostima i mjerama koje se u tom vremenu preduzimaju na ugroženim područjima radi:

- a) otklanjanja uzroka koji ometaju protok vode na ugroženom području;
- b) otklanjanje naplavina u koritu vodotoka;
- c) postavljanje privremenog odbrambenog nasipa;
- d) interventno čišćenje mostovskih otvora od granja i drugog kabastog otpada;
- e) preduzimanje intervencija u koritu vodotoka ili dijelu vodotoka na razbijanju ledene kore i ledenih barijera (čepova) s ciljem otklanjanja mogućnosti štetnih posljedica, opasnosti od poplava, oštećenja stalnih ili plovnih objekata i postrojenja na

vodotoku.

3. Fazu završnih mjera i radova čine sve aktivnosti i mjere koje se preduzimaju i vrše po prestanku odbrane od poplava, odnosno završni radovi za sanaciju posljedica poplava, a naročito:

- a) pregled poplavljenog područja i registrovanje podataka koji će pomoći da se unaprijedi proces planiranja;
- b) izvođenje završnih radova u vezi s odbranom od poplava (skupljanje opreme, materijala i alata u skladišta) i popunjavanje zaliha odbrambenom opremom i materijalom;
- c) izrada izvještaja od strane učesnika u svim fazama odbrane od poplava, prikupljanje podataka o izvršenim radovima, utrošenom materijalu, troškovima provedene odbrane od poplava i sanacije šteta na vodotocima;
- d) čišćenje otpada, nanosa i drugih naplavina nastalih prolaskom vodnog vala;
- e) hitne sanacije oštećenja riječnih korita nastale usljed bujičnog i erozivnog djelovanja vode u vrijeme poplava, sanacije odrona i uklanjanja nanosa, krutog otpada, šteta, radi otklanjanja opasnosti koje mogu nastati kod prolaska novih vodnih valova.

C) NADLEŽNI ORGANI ZA ODBRANU OD POPLAVA

Nadležni organi za odbranu od poplava za područja Brčko distrikta BiH na kojima su izgrađeni zaštitni vodoprivredni objekti, područja iz poglavlja II. pod stavom A) i za područja Brčko distrikta BiH na kojima nisu izgrađeni zaštitni vodoprivredni objekti, područja iz poglavlja II. pod stavom B), jesu:

1. Odjeljenje za poljoprivredu, šumarstvo i vodoprivredu
2. Štab za zaštitu i spašavanje Distrikta
3. Odjeljenje za javnu sigurnost
4. JP „Putevi Brčko“ d.o.o. Brčko.

1. ODJELJENJE ZA POLJOPRIVREDU, ŠUMARSTVO I VODOPRIVREDU

Odjeljenje za poljoprivredu, šumarstvo i vodoprivredu usklađuje i stručno rukovodi organizacijom odbrane od poplava na način da:

- dostavlja Vladi Brčko distrikta BiH prijedlog Glavnog operativnog plana odbrane od poplava na usvajanje;
- preduzima tehničke mjere koje su potrebne da bi odbrambeni sistem bio pripremljen za odbranu od poplava;
- koordinira i prati pripremu i provođenje planova odbrane od poplava;
- utvrđuje prioritete finansiranja i ulaganja sredstava u aktivnosti odbrane od poplava;
- izrađuje ili organizuje izradu programa i planova za održavanje, rekonstrukcije i izgradnje zaštitnih vodoprivrednih objekata i postrojenja;
- izrađuje planove i organizuje izradu projektne dokumentacije za rekonstrukciju i izgradnju zaštitnih i regulacijskih vodoprivrednih objekata i postrojenja;
- prati stanje zaštitnih vodoprivrednih objekata i postrojenja te radova i aktivnosti na odbrani od poplava;
- predlaže aktiviranje Štaba za zaštitu i spašavanje Distrikta;
- pruža stručnu, administrativnu i informativnu podršku Štabu za zaštitu i spašavanje Distrikta.

U skladu sa zakonskim propisima na području Brčko distrikta BiH, Odjeljenje za poljoprivredu, šumarstvo i vodoprivredu angažuje preduzeća koja su osposobljena za pravovremeno i efikasno izvršavanje radova na odbrani od poplava, zaključivanjem okvirnog sporazuma za odbranu od poplava u svim fazama odbrane od poplava, na područjima na kojima su izgrađeni zaštitni vodoprivredni objekti za odbranu od poplava i na područjima na kojima nisu izgrađeni zaštitni vodoprivredni objekti za odbranu od poplava.

U slučaju proglašenja redovne ili vanredne odbrane od poplava za područja Brčko distrikta BiH na kojima su izgrađeni zaštitni vodoprivredni objekti za odbranu od poplava, odnosno u slučaju proglašenja stanja prirodne nesreće uzrokovane poplavom za područja Brčko distrikta BiH na kojima su izgrađeni zaštitni vodoprivredni objekti i na kojima nisu izgrađeni zaštitni vodoprivredni objekti, akcijama odbrane od poplava rukovodi Štab za zaštitu i spašavanje Distrikta.

Sva dodatna mehanizacija, oprema i ljudstvo, materijalna i druga sredstva za izvršavanje radova, mjera i drugih radnji i zadataka, neophodna pri proglašenju redovne ili vanredne odbrane od poplava, odnosno pri proglašenju stanja prirodne nesreće uzrokovane poplavom bit će angažovana odlukom Štaba za zaštitu i spašavanje Distrikta.

2. ŠTAB ZA ZAŠTITU I SPAŠAVANJE DISTRIKTA

Akcijama odbrane od poplava rukovodi Štab za zaštitu i spašavanje Distrikta.

Na prijedlog glavnog rukovodioca odbrane od poplava, uz prethodno obavještanje šefa Odjeljenja za javnu sigurnost, gradonačelnik Brčko distrikta BiH proglašava redovnu i vanrednu odbranu od poplava za područja Brčko distrikta BiH na kojima su izgrađeni zaštitni vodoprivredni objekti za odbranu od poplava.

Na prijedlog šefa Odjeljenja za javnu sigurnost, uz prethodno obavještanje od strane glavnog rukovodioca odbrane od poplava, gradonačelnik Brčko distrikta BiH proglašava stanje prirodne nesreće uzrokovane poplavom na području Brčko distrikta BiH.

Pored nadležnosti Štaba za zaštitu i spašavanje Distrikta propisanih Zakonom o zaštiti i spašavanju ljudi i materijalnih dobara od prirodnih i drugih nesreća u Brčko distriktu Bosne i Hercegovine, Štab za zaštitu i spašavanje Distrikta nadležan je da:

- neposredno rukovodi odbranom od poplava pri proglašenju redovne i vanredne odbrane od poplava za područja Brčko distrikta BiH na kojima su izgrađeni zaštitni vodoprivredni objekti za odbranu od poplava, odnosno pri proglašenju stanja prirodne nesreće uzrokovane poplavom na području Brčko distrikta BiH;
- rukovodi civilnom zaštitom, radnicima preduzeća i drugih organa i organizacija za vrijeme provođenja odbrane od poplava;
- prati i ostvaruje uvid u organizovanje i provođenje odbrane od poplava;
- prati i nadzire dinamiku izvršavanja postavljenih zadataka sudionicima u odbrani od poplava te da preuzima mjere za efektivno funkcionisanje sistema odbrane od poplava u svim dijelovima;
- nalaže evakuaciju odnosno izmještanje ljudi, životinja i imovine s neposredno ugroženog područja;
- putem nadležnih tijela mobilizira građanstvo i materijalna dobra neophodna za odbranu od poplava;
- organizuje drugu odbrambenu liniju;
- donosi odluku o probijanju nasipa i usmjerenom plavljenju u skladu s članom 41. Zakona o vodama („Službeni glasnik Republike Srpske“, broj 10/98);
- obavještava stanovništvo o toku i aktivnostima odbrane od poplava;
- podnosi izvještaj Vladi Brčko distrikta BiH, odnosno Skupštini Brčko distrikta BiH o preduzetim mjerama na odbrani od poplava.

Sva mehanizacija, oprema i ljudstvo, materijalna i druga sredstva za izvršavanje radova, mjera i drugih radnji i zadataka, neophodna za odbranu od poplava na području Brčko distrikta BiH prilikom proglašenja stanja prirodne nesreće uzrokovane poplavom, odnosno redovne i vanredne odbrane od poplava, bit će angažovana odlukom Štaba za zaštitu i spašavanje Distrikta, a naročito za:

- učestvovanje u odbrani od poplava sa svom potrebnom radnom snagom, opremom, mehanizacijom, materijalom i drugim sredstvima;
- intervencije na mjestima gdje prijeti opasnost začepljenja i prelijevanja na mostovima i propustima, na vodoprivrednim objektima u sistemu odbrane i sl.
- aktiviranje i upotrebu civilne zaštite i sredstava preduzeća i drugih organa i organizacija.

3. ODJELJENJE ZA JAVNU SIGURNOST

Odjeljenje za javnu sigurnost prije i za vrijeme odbrane od poplava vrši sljedeće poslove:

- prati i ostvaruje uvid u organizaciju i provođenje priprema za odbranu od poplava;
- održava stalni kontakt sa stručno-tehničkim rukovodstvom odbrane od poplava i osigurava mu uslove za uspješno izvršavanje odbrane od poplava;
- rukovodi u okviru svojih nadležnosti vanrednom odbranom od poplava;
- utvrđuje procjenu ugroženosti od poplava s mogućim posljedicama po ljude i materijalna dobra i predlaže mjere zaštite;
- upoznaje preduzeća, organe i organizacije, kao i građane o njihovim pravima dužnostima i odgovornostima;
- stara se o organizovanju i primjeni mjera zaštite od poplava (evakuacija stanovništva i stoke, sklanjanje materijalnih dobara i dr.);
- saraduje s općinskim štabovima civilne zaštite susjednih općina i obavještava ih o podacima od značaja za odbranu od poplava;
- organizuje stalno dežurstvo za vrijeme vanredne odbrane od poplava, kao i izvještajnu službu na ugroženom području.

Odbrambeni alat i materijal po potrebi osigurava Odjeljenje za javnu sigurnost (čamci, pumpe, ašovi, lopate, vreće, kabanice, čizme, baterije, lampe), Odjeljenje za poljoprivredu, šumarstvo i vodoprivredu (vreće, građa, lopate i ašovi u sklopu Crpne stanice „Đurići“ u Vučilovcu), kao i mjesne zajednice koje učestvuju u odbrani od poplava. Pijesak se osigurava s najbliže deponije.

4. JP „PUTEVI BRČKO“ d.o.o. BRČKO

JP „Putevi Brčko“ d.o.o. Brčko prije i za vrijeme odbrane od poplava vrši redovno i interventno čišćenje i održavanje putnih kanala, mostovskih otvora, propusta, potpornih zidova i drugih dijelova putne infrastrukture.

U fazi pripremnih mjera i radova i fazi odbrambenih mjera i radova odbrane od poplava, JP „Putevi Brčko“ d.o.o. Brčko izvršava mjere i radove definisane u poglavlju IV. pod B):

- tačka 1. stav d) „redovno čišćenje i održavanje putnih kanala radi omogućavanja normalnog oticanja vode“,
- tačka 1. stav e) „redovno čišćenje i održavanje mostovskih otvora od granja i drugog kabastog otpada“,
- tačka 2. stav d) „interventno čišćenje mostovskih otvora od granja i drugog kabastog otpada“.

D) POJAVA VISOKIH POPLAVNIH VODA, OBJEKTI ZA ZAŠTITU

Na prostoru Brčko distrikta BiH postoje opasnosti od tri vida pojave visokih poplavnih voda, i to: vanjske vode (vode rijeke Save), brdske vode (vode s planina Majeвица i Trebava) i vlastite vode (oborinske, podvirne i podzemne), na izgrađenim hidromelioracionim sistemima.

Za zaštitu prostora od visokih poplavnih voda postoje i adekvatni objekti, i to:

a) Objekti odbrane od vanjskih voda:

- Nasip uz rijeku Savu i Tinju dužine oko 11,4 km;
- Regulisano korito rijeke Tinje i Brke dužine oko 3,7 km.

b) Objekti odbrane od brdskih voda:

- kanal „Tinja – Tolisa“ od stc. km 0+000 do stc. km 2+000 je na području Brčko distrikta BiH (ukupna dužina kanala „Tinja – Tolisa“ sa kanalom „Kladik“ je 22,54 km);
- kanal „Lukavac – Brka“ od stc. km 0+000 do stc. km 2+032;
- istočni lateralni kanal dužine 21,95 km nalazi se van područja Brčko distrikta BiH.

c) Objekti odbrane od vlastitih voda

- Osnovna i sekundarna kanalska mreža u melioracionim sistemima „Objeda“ i „Kaseta sjever“ dužine oko 65,0 km;
- Kanal „Dusine“ dužine 3,25 km;
- Kanal „Preljev“ dužine 1,69 km;
- Detaljna kanalska mreža unutar spomenutih sistema dužine oko 40,00 km (obuhvaćeno područje donjeg dijela sistema „Objeda“ mjesne zajednice Vučilovac i Krepšić);
- Sekundarna i detaljna kanalska mreža van melioracionog sistema dužine oko 30,0 km (prostor slivova rijeke Tinje i Brke).

E) STANJE OBJEKATA ODBRANE OD POPLAVA

1. GLAVNI SAVSKI ODBRAMBENI NASIP, stc. km 0+000 – stc. km 9+650 – PODRUČJE BRČKO DISTRIKTA BiH

Glavni savski odbrambeni nasip stc. km 0+000 do stc. km 9+650 dimenzioniran je da štiti zaleđe od prethodnih maksimalnih vodostaja i građen je ručnim metodama bez primjene mehanizacije. Kota odbrambene linije za cijeli potez stc. km 0+000 do stc. km 9+650 je bila ispod standardnog kriterija nadvišenja $H_{1/100}$ rijeke Save od 1,20 m.

Dionica nasipa od stc. km 0+000 do stc. km 1+500 je bila nedovoljnih gabarita, niska, nedovoljno zbijena, sklona procjeđivanju i nestabilna, sa dosta niskim stepenom zaštite, s tim da je dionica od stc. km 1+500 do stc. km 2+100 za vrijeme ratnih djelovanja bila kontaminirana minama i devastirana (rovovi, tranšeje, fortifikacijski objekti i sl.).

Radovi na sanaciji i rekonstrukciji savskog odbrambenog nasipa sa kotom krune standardnog kriterija nadvišenja $H_{1/100}$ rijeke Save od 1,20 m, izvode se od 2005. do 2016. godine i to:

- 2005. godine, u naselju Krepšić, dionica od stc. km 1+500 do stc. km 2+100;
- 2015. i 2016. godine u naselju Krepšić, dionica od stc. km 0+000,00 do stc. km 1+500,00 i u naselju Vučilovac, dionica od stc. km 3+014,07 do stc. km 3+215,19;
- 2016. godine u naselju Vučilovac, dionica od stc. km 7+328,54 do stc. km 7+879,95.

Objekat se održava u smislu tekućeg održavanja – košenja, sanacije udarnih rupa i kolotruga na kruni nasipa i sanacije rampi na kruni nasipa radi kontrolisanog prolaza vozila.

Kao posljedica elementarne nepogode poplave u 2014. godini porušena je ustava „Đurići“ na glavnom savskom nasipu, a na mjestu porušene ustave izgrađena je nova ustava sa četiri otvora površine 12,60 m².

2. NASIP UZ RIJEKU TINJU – DESNI I LIJEVI TINJSKI NASIP

Desni tinjski nasip građen je 1983. godine i isti nije u funkciji odbrane od poplava vanjskih voda pošto je bio miniran u dužini od oko 30 metara iz razloga rasterećenja visokih voda tinjskog sliva na pločastom propustu na staroj Tinji (kod odvajanja puta za groblje u Goricama) jer je prijetila opasnost prodora puta Brčko – Lončari na samom propustu 1985. godine. U 2014. godini, u vrijeme poplava, nasip je prokopan na stc. km 0+000,00 do stc. km 0+100,00 iz razloga rasterećenja visokih voda tinjskog sliva i umanjenja plavljenja naselja Gorice.

Lijevi tinjski nasip sa gravitacionim ispustom „Dusine“ zatvara depresiju hidromelioracionog sistema „Objeda“ i isti je u funkciji i ima ulogu sprečavanja ulaska visokih brdskih voda, kao i usporenih velikih voda rijeke Save u sam sistem.

Objekti se održavaju u smislu tekućeg održavanja – košenja.

Nakon katastrofalnih poplava u maju 2014. godine, s ciljem zaštite stanovništva i materijalnih dobara, na području Krepšića izgrađen je nasip uz rijeku Tinju i Lomnicu u dužini 653 m.

3. REGULISANA KORITA RIJEKE TINJE I BRKE

Regulacija korita rijeke Tinje kod mosta na Tinji u Goricama do rijeke Save vršena je 1979/1980. godine i ima ulogu da što brže evakuise velike brdske vode tinjskog sliva.

Objekat se održava u smislu tekućeg održavanja – košenja na potezu od stc. km 0+275 do stc. km 1+767, s tim da se potez regulacije od stc. km 0+000 do stc. km 0+275 ne održava pošto se pretpostavlja da je potez miniran.

Na dionici od stc. km 0+275 do stc. km 1+767 postojalo je nekoliko oštećenja. U 2008. godini realizovani su radovi na sanaciji oštećenja regulisanog korita rijeke Tinje na stacionaži stc. km 0+900,00 do stc. km 1+756,00.

Regulisano korito rijeke Brke ima ulogu brže eliminacije velikih brdskih voda sa cijelog sliva rijeke Brke u glavni recipijent – rijeku Savu.

Na regulisanom dijelu korita rijeke Brke:

- u 2007. godini, u sklopu tekućeg održavanja, sanirana su oštećenja betonskih obloga i uklonjen je cjelokupan nataloženi nanos sa dna i pokosa na punom profilu regulacije cijelom dužinom (13.579,00 m³ istaloženog nanosa),

- u 2011. godini izvršena je sanacija i rekonstrukcija odnesenih obala i dna korita rijeke Brke na ušću u rijeku Savu na potezu od cca 75 m.

Objekat se održava u smislu tekućeg održavanja – košenja.

4. KANAL „TINJA – TOLISA“, stc. km 0+000 - stc. km 2+000- PODRUČJE BRČKO DISTRIKTA BiH

Kanal Tinja – Tolisa ukupne dužine 16.135,00 km, od čega je:

- dionica stc. km 0+000 – stc. km 2+000 na području Brčko distrikta BiH;
- dionica stc. km 2+000 – stc. km 9+228 na području Republike Srpske.

Naznačeni objekat ima namjenu prihvata voda sa gornjih ležećih površina sistema, istočno i zapadno područje, putem vodotoka Tolise, Prvakovca, Johovca, Dugaja, odvodnog kanala „Kladik“ i drugih sitnih vodotoka na sistemima i eliminaciju voda gravitacijom u veće vodotoke – Lomnicu i Tinju, a istim u glavni recipijent rijeku Savu.

Predmetni objekat zajedno sa kanalom „Kladik“ štiti sistem „Kaseta sjever“ od suvišnih voda sa gornjih površina.

Objekat je građen u dvije etape. Prvom etapom od 1964. do 1968. godine – km 0+000 do km 5+080, izvršeno je prihvaćanje brdskih voda iz obodnog kanala istočni lateralni kanal i potoka Kunava i Šibava. Drugom etapom od 1973. do 1974. godine od km 5+080 do km 16+135, prihvaćene su vode sa gornjih ležećih površina istočno i zapadno područje.

Na dionici objekta od stc. km 0+000 do stc. km 5+080 izraženo je erodiranje dna kanala do dubine od 80 cm, poslije čega je došlo do zasijecanja pokosa kanala i sam objekat sve više poprima karakteristiku prirodnog objekta.

Na saniranim klizištima od stc. km 0+000 do stc. km 2+000 (područje Brčko distrikt BiH) sa hrastovim šipovima dužine 3,0 m i kamenom naslagom pojavljuje se klizanje same naslage, a time i sužavanje kinete kanala.

Objekat se održava u smislu tekućeg održavanja – košenja.

U narednom periodu, u okviru investicionog održavanja, potrebno je izvršiti sanaciju odrona i oštećenja kanala „Tinja – Tolisa“.

5. KANAL „LUKAVAC – BRKA“, stc. km 0+000 – stc. km 2+032

Objekat je rađen 1970/1971. godine s osnovnom namjenom prevođenja dijela sliva rijeke Tinje putem vodotoka Lukavac u sliv rijeke Brke, s ciljem zaštite niže ležećih površina u Donjem Rahiću, Grbavici i Goricama, kao i bržoj eliminaciji suvišnih brdskih voda sa sliva potoka Lukavac.

Objekat je u lošem stanju, pošto je isti bio u zonama vođenja ratnih djelovanja. Oštećenja objekta manifestuju se u erodiranju dna kanala, klizanju pokosa.

Objekat se održava u smislu tekućeg održavanja – košenja.

U narednom periodu, u okviru investicionog održavanja potrebno je izvršiti sanaciju odrona i oštećenja kanala „Lukavac – Brka“.

6. OBJEKTI ODBRANE OD VLASTITIH VODA – PROSTOR BRČKO DISTRIKTA BiH, REPUBLIKE SRPSKE I FEDERACIJE BiH

Osnovna i sekundarna kanalska mreža kao i detaljna kanalska mreža u komasacionim površinama rađene su u periodu od 1957. do 1960. godine i od 1985. do 1990. godine i imaju ulogu prihvata i odvođenja vlastitih voda, oborinskih podvirnih i podzemnih, bilo gravitacijom ili mehaničkim načinom odvođenja u glavni recipijent rijeku Savu.

Svi objekti su bili u neposrednim zonama ratnih djelovanja. Izražena su rušenja objekata, kao i oštećenja objekata. Opća karakteristika je da su objekti propali, pojedini su u minskim poljima, a svi su zarasli u razna drvenasta rastinja i zamuljeni pa se može konstatovati da nisu u potpunoj funkciji.

U toku 2005. godine izvedeni su radovi na sanaciji – rekonstrukciji objekta CS „Đurići“ Vučilovac, a njeno zvanično puštanje u rad početkom 2006. godine. Tokom 2006. godine dekontaminiran je kanal „Smrdulja“ u dužini 2.500 metara na potezu od ušća u rijeku Savu pa uzvodno, te izvršeno čišćenje kanala. Od 2007. godine vrši se čišćenje kanalske mreže hidromelioracionog sistema u smislu košenja, sječenja šiblja i uklanjanje drveća, te izmuljivanja dijela kanalske mreže.

F) MJERE KOJE TREBA PREDUZETI NA PODRUČJU NA KOJEM SU IZGRAĐENI ZAŠTITNI VODOPRIVREDNI OBJEKTI, RADI ZAŠTITE OD ŠTETNOG DEJSTVA VODA

S ciljem zaštite područja Brčko distrikta BiH od štetnog djelovanja voda na izgrađenim zaštitnim vodoprivrednim objektima u proteklom periodu se radilo na obnovi i dovođenju u funkcionalno stanje ranije izgrađenih sistema i objekata za zaštitu od poplava na području Brčko distrikta BiH, a u toku 2018. godine u okviru tekućeg održavanja Odjeljenje za poljoprivredu, šumarstvo i vodoprivredu planira izvršiti sljedeće:

1. Tekuće održavanje izgrađenih vodoprivrednih objekata – košenje trave, sječa šiblja i niskog rastinja na izgrađenim vodoprivrednim objektima za zaštitu od voda;
2. Tekuće održavanje Crpne stanice „Đurići“ u Vučilovcu sa čuvarskom kućom, gravitacionim ispustima, pripadajućim odvodnim i dovodnim kanalima i ostalim površinama u krugu crpne stanice i čuvarske kuće.

**G) RADOVI I MJERE KOJE TREBA PREDUZETI NA PODRUČJU NA KOJEM
NISU IZGRAĐENI ZAŠTITNI VODOPRIVREDNI OBJEKTI,
RADI ZAŠTITE OD ŠTETNOG DEJSTVA VODA**

U 2018. godini, u skladu s budžetskim sredstvima:

- Odjeljenje za poljoprivredu, šumarstvo i vodoprivredu će kontinuirano izvoditi radove i mjere tekućeg održavanja prirodnih korita vodotoka kroz okvirni sporazum za odbranu od poplava u svim fazama odbrane od poplava s ciljem dovođenja u funkcionalno stanje vodotoka izvođenjem radova na uklanjanju i dislociranju riječnih nanosa, djelimičnom produbljivanju dna korita, ublažavanju krivina bez značajnije promjene trase korita, uklanjanju smeća, krutog i drugog otpada iz korita vodotoka, izvođenju zemljanih i sličnih radova na uređenju i održavanju obala, zemljanih radova u pojasu visokih voda i na vodnom zemljištu, krčenje i košenje rastinja, obnavljanju i održavanju propusta, prelaza i drugih sličnih radova i mjera koje treba preduzeti.

- JP „Putevi Brčko“ d.o.o. Brčko će kontinuirano izvoditi radove i mjere navedene u poglavlju IV. pod B) tačka 1. stav d) i stav e) i tačka 2. stav d) ovog plana.

S ciljem povećanja stepena zaštite od poplava na području Brčko distrikta BiH na kojem nisu izgrađeni zaštitni vodoprivredni objekti neophodno je nastaviti s izgradnjom regulacijskih i zaštitnih vodoprivrednih objekata.

U toku 2018. godine Odjeljenje za poljoprivredu, šumarstvo i vodoprivredu će nastaviti s preduzimanjem aktivnosti na pribavljanju odobrenja za građenje za realizaciju sljedećih projekata:

- regulacija rijeke Brke u MZ Palanka;
- nastavak regulacije kanala Lukavac – Brka;
- izmještanje – regulacija dijela trase korita Maočke rijeke kod parcele Rame Lević u naselju Maoča;
- izgradnju potpornog zida kod Spahića u MZ Maoča;
- uređenje sliva rijeke Brke i Zovičice na području Brčko distrikta BiH sa izgradnjom obaloutvrda i potpornih zidova na području Rašljana, Islamovca, Maoče, Štrepac, Zovika i Gornjeg Rahića s ciljem sanacije oštećenja obala rijeka Brke i Zovičice, Rašljanske rijeke, Rahićke rijeke i Maočke rijeke, nastalih u vrijeme poplava u 2014. godini;
- izgradnja potpornog zida u MZ Gornja Skakava – zaselak Podarevac kod domaćinstva Marka Domića.

Iz sredstava kapitalnog budžeta Odjeljenja za poljoprivredu, šumarstvo i vodoprivredu u toku 2018. godine planiraju se izvoditi sljedeći radovi:

- nastavak uređenja potoka Jagoštica – VII. faza,
- uređenje lijeve obale i korita Rašljanske rijeke u MZ Rašljani na potezu kod prvog mosta iznad PONE-ta,
- izgradnja potpornog zida u koritu Rašljanske rijeke kod kuće Nedžada Sinanovića,
- izgradnja potpornih zidova oštećenih u poplavama u Kišeljaku u MZ G. Zovik - prva faza,
- izgradnja potpornog zida u naselju Igljine u MZ Maoča – nastavak radova,
- izgradnja vodopropusta na potoku Lukavac u MZ Lukavac – prva faza,
- regulacija potoka Blizna – prva faza radova,

- izgradnja vodopropusta ispod glavnog puta od škole prema brdu Šterac u MZ Brka – nastavak radova,
- izgradnja potpornog zida kod parcele Sevleta Mujkanovića u MZ Maoča – završetak Radova.

Projekti koji se finansiraju iz donatorskih sredstava:

- Rekonstrukcija savskog odbrambenog nasipa na području Brčko distrikta BiH, od II. do V. faze, IPA 2014., Nacionalni akcioni dokument, donatorska sredstva, zaključen ugovor na iznos 965.507,61 eura, izvođač radova uveden u posao.
- Regulacija rijeke Brke i Zovičice u urbanom području Brčko distrikta BiH – I. faza, cca 3.500.000,00 KM, IPA 2014., Regionalni akcioni dokument, donatorska sredstva, u fazi pripreme tenderske dokumentacije.

Projekti koji se finansiraju iz kreditnih sredstava Svjetske banke

U okviru Projekta hitnog oporavka od poplava u 2017. godini zaključeni su sljedeći ugovori:

- Čišćenje i sanacija erozija u koritu vodotoka Brka u iznosu 568.160,42 KM;
- Čišćenje i sanacija erozija u koritu vodotoka Govneč, Blizna i Zovičica u iznosu 193.881,64 KM;
- Čišćenje i sanacija erozija u koritu vodotoka staro korito rijeke Tinje u iznos u 384.888,55 KM;
- Sanacija oštećenja obala i dna odvodnih kanala i gravitacionog ispusta na ustavi u Vučilovcu u iznosu 163.127,84 KM;
- Sanacija oštećenja na kanalskoj mreži hidromelioracionog sistema „Objeda“ na području Vučilovca i Krepšića u iznosu 398.401,58 KM;
- Izgradnja mosta na kanalu Smrdulja u Krepšiću u iznosu 72.240,00 KM.

V. KARAKTERISTIKE NIVOVA VODE, MJERODAVNI VODOMJER, MAKSIMALNI REGISTROVANI VODOSTAJ I KRITERIJI ZA PROGLAŠENJE REDOVNE I VANREDNE ODBRANE OD POPLAVE

U 2010. godini puštena je u rad automatska vodomjerna stanica na mostu na rijeci Savi kojom upravlja Javna ustanova „Vode Srpske“ Bijeljina, za koju nema podataka o mjerodavnim vodostajima za proglašenje redovne i vanredne odbrane od poplave za područje Brčkog. Do osposobljavanja vodomjera u Brčkom, mjerodavni vodomjer za proglašenje redovne odbrane i vanredne odbrane od poplava na poplavnom području Brčko distrikta BiH nalazi se u Slavanskom Šamcu.

Maksimalni registrovani vodostaj na vodomjeru u Slavanskom Šamcu iznosio je + 891 cm na dan 17. 5. 2014. godine u 13.00 sati.

a) Redovna odbrana od poplava za savski i tinjske nasipe počinje od momenta kada vodostaj na vodotocima dostigne visinu od +650 cm mjeren na vodomjeru u Slavanskom Šamcu i vrši se od proglašenja redovne odbrane do poplava do proglašenja prestanka redovne odbrane od poplava.

b) Vanredna odbrana od poplava za savski i tinjske nasipe počinje od momenta kada vodostaj na vodotocima i dalje raste pri vodostaju od +700 cm mjeren na vodomjeru u Slavanskom Šamcu i vrši se od proglašenja vanredne odbrane od poplava do proglašenja prestanka vanredne odbrane od poplava.

c) Odbrana od poplava od brdskih i unutrašnjih voda za područja na kojima nisu izgrađeni zaštitni vodoprivredni objekti počinje kada to proglasi komandant Štaba za zaštitu i spašavanje Distrikta, na prijedlog područnog rukovodioca odbrane od poplava, odnosno glavnog rukovodioca odbrane od poplava i šefa Odjeljenja za javnu sigurnost.

d) Odbrana od leda počinje kada se zalede veće površine vodnog ogledala, ili kada se

pojavi gomilanje ili pokretanje ledenih masa usljed čega može doći do opasnosti od poplava ili oštećenja vodoprivrednih i drugih stalnih ili plovnih objekata i postrojenja na vodotoku.

Redovne mjere odbrane od leda obuhvataju osmatranje i registrovanje pojave leda u koritu vodotoka (postotak pokrivenosti površine vodnog ogledala, debljine leda, visine nagomilanih naslaga leda i sl.).

Vanredne mjere odbrane od leda obuhvataju lomljenje ledenih površina, razbijanje ledene kore i ledenih barijera miniranjem, ledolomcima ili na drugi način, i sprečavanje zaustavljanja i nagomilavanja ledenih masa u koritu vodotoka.

Početak provođenja redovnih i/ili vanrednih mjera odbrane od leda u vodotoku ili dijelu vodotoka počinje kada to proglasi komandant Štaba za zaštitu i spašavanje Distrikta, na prijedlog područnog rukovodioca odbrane od poplava, odnosno glavnog rukovodioca odbrane od poplava i šefa Odjeljenja za javnu sigurnost.

VI. PODJELA PODRUČJA KOJA SE BRANE OD POPLAVA NA SEKTORE

1. SEKTORI NA KOJIMA SU IZGRAĐENI ZAŠTITNI VODOPRIVREDNI OBJEKTI ZA ODBRANU OD POPLAVA

SEKTOR	POTEZ ODBRAMBENOG NASIPA / KANALA	NASELJENA MJESTA KOJA UČESTVUJU U ODBRANI OD POPLAVA
I.	Savski nasip sa pratećim objektima km 0+000 - km 2+700	MZ Krepšić
	Tinjski lijevi nasip sa pratećim objektima km 0+800 - km 0+950	
II.	Savski nasip sa pratećim objektima km 2+700 - km 9+650	MZ Vučilovac
III.	Kanal „Tinja – Tolisa“ sa pratećim objektima km 0+000 - km 2+000	MZ Krepšić MZ Marković Polje

2. SEKTORI NA KOJIMA NISU IZGRAĐENI ZAŠTITNI VODOPRIVREDNI OBJEKTI ZA ODBRANU OD POPLAVA

SEKTOR	PODRUČJE	NASELJENA MJESTA KOJA UČESTVUJU U ODBRANI OD POPLAVA
IV.	Područje sliva rijeke Tinje	Mjesne zajednice koje gravitiraju području sliva rijeke Tinje (II /B)
V.	Područje sliva rijeke Brke	Mjesne zajednice koje gravitiraju području sliva rijeke Brke (II /B)

VI.	Područje uz rijeku Savu	Mjesne zajednice koje gravitiraju području uz rijeku Savu (II /B)
-----	-------------------------	---

VII. SEKTORSKI I POTEZNI RUKOVODIOCI ODBRANE OD POPLAVA ZA PODRUČJE SA IZGRAĐENIM I PODRUČJE SA NEIZGRAĐENIM ZAŠTITNIM VODOPRIVREDNIM OBJEKTIMA

ZA PODRUČJE SA IZGRAĐENIM ZAŠTITNIM VODOPRIVREDNIM OBJEKTIMA

Sektor	Sektorski rukovodilac odbrane od poplava	Potez odbrambenog nasipa/kanala	Potezni rukovodilac odbrane od poplava	Naseljena mjesta koja učestvuju u odbrani od poplava
I.	Dragan Pešić, građ. teh. Odjeljenje za javne poslove tel. 049 / 216-699	Savski nasip sa pratećim objektima km 0+000 - km 2+700	1. Pero Popović predsjednik MZ Krepšić I 065 / 845-964	Krepšić
	Krsta Jefimić, dipl. ing. polj. Ured za upravljanje javnom imovinom tel. 049 / 240-661	Tinjski lijevi nasip sa pratećim objektima km 0+800 - km 0+950	2. Milan Maksimović predsjednik MZ Krepšić II tel. 065 / 655-387	Krepšić
II.	Mišo Čabrilo, građ. teh. Ured za upravljanje javnom imovinom tel. 049 / 240-632	Savski nasip sa pratećim objektima km 2+700 - km 9+650	Ljubiša Ostojić predsjednik MZ Vučilovac tel. 065 / 637-038	Vučilovac
III.	Vojin Arsenić, SSS Odjeljenje za javni registar tel. 049 / 306-060	Kanal „Tinja-Tolisa“ sa pratećim objektima km 0+000 - km 2+000	Niko Ugljarević predsjednik MZ Marković Polje tel. 062 / 539-760	Krepšić, Marković Polje

ZA PODRUČJE SA NEIZGRAĐENIM ZAŠTITNIM VODOPRIVREDNIM OBJEKTIMA

Sektor	Sektorski rukovodilac odbrane od poplava	Područje koje se brani od poplava	Potezni rukovodilac odbrane od poplava	Naseljena mjesta koja učestvuju u odbrani od poplava
IV.	Ekrem Banda, građ. teh. Odjeljenje za raseljena lica, izbjeglice i stambena pitanja	Sliv rijeke Tinje	Anto Anđić predsjednik MZ Bijela tel. 063 / 342-822	Bijela
			Željko Jurić predsjednik MZ Dubrave tel. 063 / 929-392	Dubrave

tel. 049/217-770 i Danijal Crvenjak, dipl. ing. teh. Odjeljenje za komunalne poslove tel. 049/233-810		Marko Bošnjak predsjednik MZ Seonjaci tel. 063/342-543	Seonjaci
		Ivo Avgustinović pred. MZ Prijedor tel. 049/746-103 065/017- 267	Prijedor
		Luka Marić pred. MZ Donja Skakava, tel. 063/385-580	Donja Skakava
		Niko Lamešić predsjednik MZ Gornja Skakava tel. 063/732-750	Gornja Skakava
Vinko Vidović, dipl.ing.saobr. Odjeljenje za javne poslove tel. 049/216-699 i Ishak Abdurahmanović, dipl. ing.znr i zžs. Odjeljenje za prostorno planiranje i imovinskopravne poslove tel. 049/240-696	Sliv rijeke Tinje	Niko Lacić pred. MZ Poljaci - Jagodnjak tel. 061/293-414	Poljaci / Jagodnjak/ Bašče
		Marić Abram predsjednik MZ Vukšić tel. 049/756-016 063/852-458	Vukšić
		Ilija Jovičić predsjednik MZ Bukvik tel. 065/832-448	Bukvik
		Vjekoslav Markić predsjednik MZ Donji Rahić tel. 063/731-007	Donji Rahić
		Rado Varcaković predsjednik MZ Grbavica tel. 066/712-745 065/905-467	Grbavica
		Stjepan Perikić predsjednik MZ Gorice tel. 063/515-091	Gorice
		Stanko Stančić, dipl.ing.znr. i zžs. Odjeljenje za prostorno planiranje i imovinsko-pravne poslove tel. 049 / 240-696 i Admir Musić, dipl. ing. građ. Odjeljenje za komunalne poslove tel. 049 / 233-810	Sliv rijeke Brke
Mujo Šabanović predsjednik MZ Rašljani tel. 061/296-417 049/515-019	Rašljani		
Jusuf Kurtalić predsjednik MZ Maoča tel. 049/520-333 061/726-685	Maoča		
Mirza Mešanović predsjednik MZ Gornji Rahić tel. 061 / 589-709	Gornji Rahić		
Abdulah Đonlić pred. MZ Palanka tel. 061 / 739-755	Palanka		
Zehrudin Pekarić predsjednik MZ Brka tel. 061/681-735 Jasmin Mulamujić 061/956-499	Brka		

V.			Petar Topčić predsjednik MZ Ulović 049 / 500-127 tel. 061 / 670-642	Ulović
			Robert Lučić predsjednik MZ Lipovac tel. 061 / 664-041	Lipovac
	Avdulah Čandić, dipl. ing. građ. Odjeljenje za javne poslove tel. 049 / 216-699 i Dejan Lalović, dipl. ing. građ. Odjeljenje za komunalne poslove, tel. 049 / 233-810	Sliv rijeke Brke	Mehmed Osmić predsjednik MZ Brod tel. 062 / 199-050	Brod
			Mustafa Halilović predsjednik MZ Stari Rasadnik tel. 049 / 321-178 061 / 666-918	Stari Rasadnik
			Amir Bečić predsjednik MZ Broduša tel. 065 / 614-703	Broduša
			Maid Halilović predsjednik MZ Meraje tel. 049 / 214-132 061 / 088-069	Meraje
			Hamdija Pupalović predsjednik MZ Klanac tel. 061 / 168-256	Klanac
			Zekerija Pezerović predsjednik MZ Kolobara tel. 065 / 582-059	Kolobara
			Vedran Koprivica predsjednik MZ Centar 5 tel. 066 / 683-214	Centar 5
			Fajko Puška predsjednik MZ Rijeke tel. 049 / 321-285; 065 / 397-641; 062 / 266-374	Rijeke
			Hajrudin Cifrić predsjednik MZ Dizdaruša tel. 061 / 294-812	Dizdaruša
			Ibrahim Bajrić predsjednik MZ Omerbegovača tel. 062 / 470-784	Omerbegovača
	Goran Kovačević, dipl. ing. građ. Ured za upravljanje javnom imovinom tel. 049 / 240-665 i Darko Milojković, dipl. ing. građ. Odjeljenje za javne poslove tel. 049 / 216-699	Sliv rijeke Brke	Vladimir Ivić predsjednik MZ Boće 063 / 342-902	Boće
			Slavko Blažević predsjednik MZ Boderište 065 / 531-784	Bodrište
			Ilija Andrić predsjednik MZ Gornji Zovik tel. 063 / 887-889	Gornji Zovik
			Mato Grgić predsjednik MZ Donji Zovik 049 / 513-501 tel. 062 / 657-044	Donji Zovik
			Vladimir Salatović predsjednik MZ Štrepci tel. 063 / 384-372	Štrepci

			Muhamed Hodžić predsjednik MZ Šatorovići tel. 062 / 248-737	Šatorovići
VI.	Rasim Račić maš. teh. Odjeljenje za raseljena lica tel. 049 / 217-770	Područje uz rijeku Savu	Hajrudin Ljuščić predsjednik MZ Brezovo Polje tel. 066 / 458-551	Brezovo Polje
			Vajo Đokić predsjednik MZ Popovo Polje tel. 065 / 718-039	Popovo Polje

Proglašavanjem redovne ili vanredne odbrane od poplava, odnosno stanja prirodne nesreće uzrokovane poplavom na području Brčko distrikta BiH, sva lica imenovana Glavnim operativnim planom odbrane od poplava za sektorske i potezne rukovodioce odbrane od poplava za područja sa izgrađenim zaštitnim vodoprivrednim objektima i područja sa neizgrađenim zaštitnim vodoprivrednim objektima dužna su da se stave na raspolaganje područnom rukovodiocu odbrane od poplava, odnosno Štabu za zaštitu i spašavanje Distrikta radi rasporeda na određene dužnosti i da na tim dužnostima ostanu do smjene, odnosno do završetka odbrane od poplava.

Sektorski rukovodilac odbrane od poplava vrši sljedeće poslove:

- Naređuje mjere i radove koje je potrebno preduzeti na određenom sektoru;
- Pravovremeno traži, od područnog rukovodioca odbrane od poplava, dopunu odbrambenog materijala, alata i opreme za potrebe sektora;
- Vršiti raspored dodijeljenog alata, opreme, materijala i radne snage na odbrambenoj liniji;
- Usklađuje i kontroliše rad poteznih rukovodilaca odbrane od poplava i izdaje im potrebna naređenja i uputstva;
- Saraduje sa rukovodiocima odbrane od poplava na susjednim sektorima i obavještava ih o podacima od značaja za odbranu od poplava;
- Provođi sve mjere i radove koje je odredio područni rukovodilac odbrane od poplava;
- Vodi evidenciju o utrošenoj i upotrijebljenoj odbrambenoj opremi i materijalu;
- Podnosi dnevne izvještaje o stanju i toku odbrane za protekla 24 sata na poplavnom području i o svim nastalim promjenama i pojavama svakodnevno obavještava područnog rukovodioca odbrane od poplava. Svakodnevno izvještava područnog rukovodioca odbrane od poplava o stanju zaštitnih vodoprivrednih objekata i postrojenja na sektoru, o broju i vrsti zaposlene radne snage i mehanizacije, o izvršenim radovima i mjerama i o radovima i mjerama koje će se neposredno preduzimati.
- Po završenoj odbrani od poplava vodi brigu o vraćanju dodijeljene odbrambene opreme i alata sa odbrambenog sektora i podnosi područnom rukovodiocu odbrane od poplava završni izvještaj o kretanju odbrane od poplava na sektoru.

Potezni rukovodilac odbrane od poplava vrši sljedeće poslove:

- Obilazi potez za koji je zadužen, osmatra promjene na objektima, vrši obilježavanje slabih mjesta, u određeno vrijeme očitava vodomjere i o podacima **obavještava sektorskog rukovodioca odbrane od poplava, područnog rukovodioca odbrane od poplava i Centar za obavještavanje na tel. 121;**
- Neposredno preduzima radove i mjere na otklanjanju nedostataka na odbrambenoj liniji;
- Daje uputstva za rad radnicima i kontroliše njihov rad;
- Stara se o dodijeljenoj opremi, alatu i materijalu za odbranu od poplava;
- Podnosi dnevne izvještaje o stanju i toku odbrane za protekla 24 sata na poplavnom području i o svim nastalim promjenama i pojavama svakodnevno obavještava sektorskog rukovodioca odbrane od poplava.

VIII. SUDJELOVANJE U ODBRANI OD POPLAVA

Preduzeća ili druga pravna lica, nevladine i druge organizacije, udruženja građana i građani učestvuju u aktivnostima zaštite i spašavanja od prirodne nesreće uzrokovane poplavom na način i pod uslovima propisanim Zakonom o zaštiti i spašavanju ljudi i materijalnih dobara od prirodnih i drugih nesreća u Brčko distriktu BiH.

IX. ODBRAMBENI MATERIJAL, OPREMA I ALAT ZA ODBRANU OD POPLAVA

Odbrambeni materijal, oprema i alat kojim raspolaže Odjeljenje za poljoprivredu, šumarstvo i vodoprivredu smješten je u Crpnoj stanici „Đurići“ i čuvarskoj kući u Vučilovcu, a sastoji se od: 5.500 kom. PP vreća, 9 m³ daske, 5 m³ greda, 3 m³ štafli, 30 lopata, 2 čekića od 10 kg, 2 čekića od 15 kg, 200 kom. BIG-BAG kontejnera i 100 kg PE folije za odbranu od poplava.

Materijal, oprema i alat, koji se drži u pripremi za odbranu od poplava na CS „Đurići“ i čuvarskoj kući u Vučilovcu, u 2018. godini će po potrebi biti dopunjen.

Pored odbrambenog materijala, opreme i alata smještenog na CS „Đurići“, Odjeljenje za javnu sigurnost osigurava odbrambeni alat i materijal naveden u poglavlju IV. pod C) tačka 3.

U okviru nabavke opreme potrebno je nabaviti kabanice i čizme za rukovoaoce pumpnim i elektroagregatima na objektu Crpne stanice „Đurići“ Vučilovac, područnog rukovodioca odbrane od poplava i pomoćnike područnog rukovodioca odbrane od poplava.

X. NAČIN I METODA INFORMISANJA I UZBUNJIVANJA STANOVNIŠTVA NA UGROŽENOM PODRUČJU OD POPLAVA

Centar za obavještavanje Brčko distrikta BiH dužan je da o pojavi poplava ili o opasnosti koje može prouzrokovati poplava odmah obavijesti stanovništvo, preduzeća, organe i organizacije na području Brčko distrikta BiH i to objavi znakom uzbune.

Pored Centra za obavještavanje, za informisanje, obavještavanje i uzbuñjivanje stanovništva o pojavi poplava ili o opasnosti koje može prouzrokovati poplava mogu se koristiti i lokalna sredstva informisanja, radio i televizija.

XI. EVAKUACIJA I SMJEŠTAJ STANOVNIŠTVA, STOKE I MATERIJALNIH DOBARA IZ PODRUČJA UGROŽENOG OD POPLAVE

Evakuaciju i smještaj stanovništva, stoke i materijalnih dobara sa područja ugroženog od poplava vrši Odjeljenje za javnu sigurnost po posebnom planu evakuacije.

Objekte za smještaj stoke osigurava Odjeljenje za poljoprivredu, šumarstvo i vodoprivredu – Pododjeljenje za poljoprivredu.

Objekte za smještaj ljudi osigurava Odjeljenje za raseljena lica, izbjeglice i stambena pitanja.

XII. ORGANIZACIJA I NAČIN ZDRAVSTVENE ZAŠTITE STANOVNIŠTVA I ZAŠTITE ŽIVOTINJA NA POPLAVLJENOM PODRUČJU

Zdravstvene i sanitarne mjere zaštite stanovništva na poplavljenom području kao što su: dezinfekcija stambenih i vodoopskrbnih objekata, vakcinacija protiv zaraznih bolesti, snabdijevanje lijekovima, pružanje prve medicinske pomoći, smještaj oboljelih i dr. provodi Odjeljenje za zdravstvo i ostale usluge u okviru nadležnih pododjeljenja i službi.

Zdravstvene i sanitarne mjere zaštite životinja na poplavljenom području kao što su: dezinfekcija objekata, vakcinacija stoke protiv zaraznih bolesti i dr. provode nadležne veterinarske stanice pri Odjeljenju za poljoprivredu, šumarstvo i vodoprivredu.

XIII. ORGANIZACIJA, OSIGURANJE I NADZOR SAOBRAĆAJA NA POPLAVLJENOM PODRUČJU

Na području ugroženom od poplava Policija Brčko distrikta BiH osigurava i nadzire:

- odvijanje saobraćaja;
- provođenje privremenih ograničenja u cestovnom, željezničkom i riječnom saobraćaju na ugroženom području;
- održavanje javnog reda i mira;
- uslove za izvršenje zadataka svih sudionika u odbrani od poplava, a u vezi sa saobraćajem.

XIV. FINANSIRANJE

Provođenje preventivnih mjera i radova odbrane od poplava, propisanih u poglavlju IV. pod A) i B) finansira se na osnovu raspoloživih sredstava u budžetu Odjeljenja za poljoprivredu, šumarstvo i vodoprivredu za 2018. godinu.

Provođenje mjera odbrane od poplava, u svim fazama odbrane od poplava, propisanih u poglavlju IV. pod A) i B), finansira se na osnovu zaključenog okvirnog sporazuma za odbranu od poplava za 2018. godinu do nivoa raspoloživih sredstava.

Provođenje faze pripremnih mjera i radova i faze operativnih mjera i radova odbrane od poplava, propisanih u poglavlju IV. pod A) i B), za mjere i radove za koje su nadležni Odjeljenje za javnu sigurnost i JP „Putevi Brčko“ d.o.o. Brčko, finansira se iz raspoloživih sredstava u budžetu Odjeljenja za javnu sigurnost i JP „Putevi Brčko“ d.o.o. Brčko za 2018. godinu.

Sva dodatna mehanizacija, oprema i ljudstvo, materijalna i druga sredstva za izvršavanje radova, mjera i drugih radnji i zadataka, neophodna pri proglašenju redovne i vanredne odbrane od poplava, odnosno pri proglašenju stanja prirodne nesreće uzrokovane poplavom bit će angažovana odlukom Štaba za zaštitu i spašavanje Distrikta.

XV. PROVOĐENJE GLAVNOG OPERATIVNOG PLANA ODBRANE OD POPLAVA

Za provođenje Glavnog operativnog plana odbrane od poplava zadužuju se Odjeljenje za poljoprivredu, šumarstvo i vodoprivredu i Odjeljenje za javnu sigurnost.

XVI. PRELAZNE I ZAVRŠNE ODREDBE

Stupanjem na snagu Glavnog operativnog plana odbrane od poplava prestaje da važi Glavni operativni plan odbrane od poplava Brčko distrikta Bosne i Hercegovine za 2017. godinu, broj predmeta: 24-000083/16 od 19. 1. 2017. godine.